

Цушарниясса Абдул-Маннан

Абдул-Маннан (Апанни-усса) увну ур 1858 шинал. Мунал буттан ца диркун дур Бутта, му цува ивкун ур Хьушатусса. Бутта зий ивкун ур юзбаши-ну Цушарнил шяраву ва ханнал нукарну хьун-масса хлаллай. Ганал був-цуну бур Цушарниясса Хурия тисса жагылсса душ. Буттал ва Хуриял бивкун бур 6 ырч: 3 арс ва 3 душ. Буттал яла чивима арс ивкун ур Абдул-Маннан.



Абдул-Маннан

Абдул-Маннанлул цала чйарумур чун гьан дувайсса диркун дур шяравусса Хьун мизитраву. Мизитрал имамну зий ивкун ур Сумбатлиясса Рамазан тисса адамина, Рамазаннул Абдул-Маннаннун аьраб хларпирдай чичин, буккин лахьхьин бувну бур. Га ивкун ур паракьатсса, вьйлив акьасса, хьунаманал мукьух вичи дишайсса ырчи. Цува кунасса шяраваллал ырчлашчал турку-хьярч чанну бувайсса ивкун ур. Рамазаннул увкуну бур Буттахь: «Вил арс хьинну пагьму бусса, дуккаврих гьира бусса, цал-кил дурккусса аятру дакних лавхьхуну бусайсса ырчи урча, ина лажиннича, му гьан ува дуклан».

Абдул-Маннаннул 13 шин барт ларгукун, Буттал арснахь цувххуну бур: «Ургу ттул арс, вин хьинну гьира бухьурча аьраб элму лахьхьин,

на ина тлайла укканна Гьумукун Аьвдурахман-хIажиначIан». Арсналгу цала буттахь увкуну бур: «Мямай, ттун хьинну гьира бур аьраб маз лахьлан, на хьхьугу кьинигу пикрирдай уссияв, чу бурвав мадраса, ци журалул элмурду лахьлай бурвав гиву тий». ХIадур бувну дучригу бутта ва арс лавгун бур Гьумукун. Аьвдурахман-хIажинал ххал увну ур Абдул-Маннан ва ганан кIулмур. Яла кьамул увну ур мадрасалувун. Шанна шинай га дуклай ивкун ур Гьумучиял мадрасалуву.

Гьумучиял мадрасагу кьуртал бувну Абдул-Маннан зана хьуну ур шавай. Шава зун ивкун ур имамну. Абдул-Маннан хьуну ур Ислам диндалул, шариатрал ххулурду ххуйну кIулсса, инсаншиву дусса дивир.

ЛАЖ. 3

МЯЪРИПАТ

ДИН-ИСЛАМ

Жиндардил тIабиаьт

КЪУШИХЪАЛ ШАГЪАБУТТИН

ГЪУНЧУКЪАТИРАЛ ИМАМ

Аллагьу Тааьла Ца Цувалусса Халикьри. КIанал ляхьан дурмунийн учайссар махлукь. Ми цирдагу личи-личийсса тайпирдал, жинсирдал, журардал дуссар. Ца жура лухччи-ссавру дур. Мийгу арулла дуссар. Жува цалчинмур лухччиний буссару. Жулла ялувсса ссавгу, ссавнийсса цурттигу ссавруннэяту цалчинмурди. КIания ларай ряхра лухччигу, миннул ялув ссавругу дуссар. Лавай Курс, кIанил ялувгу Алжан. Алжанналул ялувгу кьалакьину Аьрш буссар. Мугу яла хьуннамур затри Аллагьу Тааьланал ляхьан дурмунивату. Мукунасса махлукьри ЛавхIул МахIфузгу – жулва кьадарду чивчусса ула. Кьаламгу ди мукунасса махлукь.

ЛАЖ. 5

Барачат зана баву чIа тIун чIунни

ШАМИЛ-ХIАЖИ ОЪМАРИЕВ



Апанни-уссал зиярат

Шяраву жун ххал хьунни клубрахьхун буллусса мизитгу – хьинну ххуйну яхьусса цувицу чария бувсса кьатта. Абдул-Маннаннул ппу Бутта юзбашину зий ивкисса шиннардий, му мизит бувну бивкисса хавар буслай ия АхIмадов Шапиуллагь, Абдул Маннаннул душнил Аьйшатлул арс, цIана МахIачкьалалив яхьанахьисса.

«Ас-салам» кказитрал подписка дуллай занай Цушарнив жу бувхру

гьарца кьатлувун, шяраваллил бакчи МахIаммадлуя байбивхуну. Гьаксса циняв инсантурал хьамалугу бувцуну, ххуйну хьунагу бавкьуну, хьунмасса барчаллагьрай буру мунийн. Цушарниву, циняв лакрал щархьавугу чун гьарчагу, гьаксса жула миллатраву дур хьамал ххирашивугу, инсаншивугу, тIайлашиву ччисса аьмалгу. Мугу жула буттал-бутахьява нанисса, яхI бусса зунттал

инсантурал аьдат чIалай дур. Хьунисса инсантал буслан бикIай, хьхьичIва шяраваллаву, цIан лакьлан диркисса чIумал, арамтал букайссия тIар мизитрачIан, яла мизитру кьазузисса чIумал ккурчIавн, цуцIав инсан за акьарив ххал ан цамур шяравасса ягу цамур миллатраясса, га кьатув кьаличIан хьамалу уциншиврул.

ЛАЖ. 4

ДакIнил авадашвиврул конкурс



ЛАЖ. 2

Имамнал махь



ЛАЖ. 6

Кьулгьу-Кьурьан бувккун дувайсса дуьарду



ЛАЖ. 7

Ларгсса шинал хІасиллу дурунни

Уттигъанну Расул ХІамзатовул цІанийсса библиотекалу хуьнни Дагъусттаннай диндалул идарартал салсса даву дачин даврил Комитетрал коллегия. Шикку гурттушинна дурунни хІукуматрал, элмулул, диндалул ва образованиялул идарартал зузалтрал.

Коллегиялий ххалдиргъунни 2015-ку шиная комитетрал дурсса давурттал хІасиллу ва 2016-ку шиная биттур буванса масалартту хъхъичІ бивхъунни.

Комитетрал бакІчи МухІаммад АбдурахІмановул бувсунни ши-

нал мутгалий цала идаралул дурсса давурттая. КІицІ лавгунни цащала архІал диндалул идарартал хъуннасса даву дуллау бушиву терроризмрайн ва экстремизмрайн кършину.

ДР-лул Миллатирттал дянивсса арардал ва диндалул сакиншиннарал комитетрал председатель Камил Давдиевлул бувсунни Дагъусттан Республикалий дуллалисса хІукуматрал политикалия. Ванал ххуй чулий квавккунни комитетрал дуллалисса давуртту, ва овъчаву дурунни интернетравмур даву гъарза дуван.



Дагъусттаннал муфтий шайх АхІмад-хІажи Абдуллаевлул барчаллагъ увкунни цІанасса ва хъхъичІвасса республикалул хъуниминнахъ ва Комитетрал зузалтрахъ, миннал мусульманнал чулиннай дуллалисса кьулагъ-асрахлу ва диндалуцІун бавхІусса ишру щаллу буван буллалисса кумаграхлу.

Коллегиялий махъру лавхъунни Дагъусттаннал гуманитарный институтрал ректор МухІаммад МухІаммадовлул, муфтиятрал вакил Шагъабудин Керимовлул, ДГУНХ-рал президент ХІамид Бучаевлул ва м.ц.

Даврин кьимат бивщунни



хІасиллан кьимат бивщунни, ва уттигу дуван думуния ихтилат бувунни.

Коллегиялий гуртту хъунни циняв хІукуматрал СМИ-рду ва цаппара хІукуматрал бакъамитгу. Шикку бувккунни докладру, лавхъунни махъру, дуван аьркинсса кІанай дурунни цІарду, аьркинний рирщунни аьйрду.

Коллегиялувун увххунни жул кказитрал хъунама редактор Аьзиз Мичигишевгу. Хъунабакъаву кьуртал хъуну махъ печатьрал ва информациялул министр Азнаур Аджиевлул булунни «Ас-саламрал» редакциялул зузалтран барчаллагърал чагъар. Жугу жула чулуха барчаллагъ учин ччай буру министерстволухъ, ва миннащал цачІуну дуллалисса даврия Дагъусттаннал жамьатран хайр биянсса умуд кІицІ лаглай буру.

Гъарца идаралул даврил ца агъамсса бутІа хъанай бур ларгсса шиная хІасиллу дучаву ва цІусса шинаянсса даврил пикри бувну, план сакин даву. Мукунсса хІасиллу дурунни печатьрал ва информациялул министерстволулу. Февраль зурул 19-нний ва идаралий коллегия бавтІун, 2015-ку шиная дурсса даврил

ДакІнил авадавшиврул конкурс

Февральданул 15-нний Новостройрайсса ЦІуссалакрал шяравусса мизитраву хъунни школалий дуклаки оьрчІал дянивсса Къуръан буккаврил конкурс.

Му хІадур дурну дия Новостройрал имам Давуд-хІажи Амировлул ва шяраваллил имам ХІасан хІажи МухІаммадовлул. Конкурсраву гуртту хъун бувкІун бия Новостройрайсса шяраваллава оьрчІру: ЦІуссаккулатусса, Чапаеволиясса, ЦІуссачІурттащатусса ва Гъамиящатусса. Ми бия арулла шиная ацІния ххюра шинаян бияннинсса оьрмулувусса – цинугу 20 оьрчІ. Вайннан буккин багълай бия гъарца низамругу щаллу дурну цаппара Къуръандалува оьрчІру.

Конкурсраву цалчинмур кІану бувгъунни Чапаеволиясса Аьлилов Сапиджуллагулул, кІилчинмур – ЦІуссалакрал шяравасса Исаев Къасумлул, шамулчинмур кІану булунни шама оьрчІан: Гъамиящатусса МухІаммадов Сиражуттин, ЦІуссалакрал шяравасса Шуваров



ХІусман ва ЦІуссачІурттащатусса Камалов Муса.

Укунсса конкурсру чІявуну булларча, кьаличІантІиссару жува тачІавагу барачат бакъа. Га конкурсрай нава ухъукун, дакІниву хиял бия зана хъуния лакрачІа диркІсса хъунмасса даражалийн исламрал дин, тІисса. ХІакьинусса кьини жула дин хъинну хъхъарану, ссуссукуьуну дур. Мунияту, аьркинни чара бакъа Къуръан буккаврил конкурсругу, цаймигу диндалул мажлису сакин буллан.

КЪУРБАНИСМЯИЛ АМИРОВ

Миски-гъаривнан кумаг буллау

Вай гъантрай «Инсан» фондрал Лакрал райондалийсса филиалданул дайдирихъунни цІусса акция «Дуки-хІачІия гъарца кьатлувун» тІисса. Филиал зий хъунма хІал хъуну бакъанугу, ванил зузалтрал чІявусса миски-гъаривнан кумаг бувунни. Фон-

квив, КІундив, Къубав, ГъунчІукъатІув, Кумав, ЧІарав, Хъуриу, Хъунав, ШавкІрав, ГъувкІрав, Ххюлусмав, ЧукІнав, Читтурав, КІулушацІ, Уриу, Мукъарив, ЦІуликъянив, Хъюлив.

Гъарца мискинчувнан дулайсса пайраву дур: 5 кило иникІмалул, 1 кило качарданул, 1 кило гречкалул, 1 кило макароннал, 1 литр нагълил, 1 кило ппиринжирал, 100 гр. дусса чяйлул пачка. Вай гъарзадрал багъагу хъанай бур тІар дянивну 450 кьуруш. Фондрал зузалт овъчаву дуллау бур циняв лакраин, цала шяраватусса ягу цамур шяравасса ца мискинчувнансса бунугу пай щалу баву цайнма ласияра тІий. Хъама битан кьабучІиссар, ва дуниялий мискинтуран кумаг буллау, жува ахиратраву жунмару кумаг буллалисса.



драл сияхІраву бур 88-ва ятинтсса ва мискинсса кулпатирттава оьрчІру. Вай оьрчІан гъарца зуруй диян дувайсса дур дукриялул пай. Фондрал кумаг бивну бур Гъумукун, Бархъарав, Ккур-

Лакрал райондалийсса «Инсан» фондрал филиалданул сбербанкрал карталул номер: 67619600 0165893026.

ЦІуххаву дуван хъунтІиссар ва номерданийн овъкуну: 8-928-589-96-43.

Лакрал жагъилтурал мажлису

Зуруй цал МахІачкьалалив, мухал ххуллул вокзалданул чІаравсса шайх Сайфуллагу-кьади Башларовлул цІанийсса мизитраву, мажлис буван батІай Лакрал райондалийсса КІундиял шярваллил жамьатравасса жагъилтал. Вай батІавуртту дувай КІундиннал шярваллил имам ХІажибуттаев Ислам-хІажинал хІарачатрайну.

Шиккусса мажлисирттал мурадгу бур лакрал жагъилтал цачІун шаву, вайннахъ тІайласса диндали бусаву, аьркин бакъасса иширттаву хІала буххаврия буручаву, вяъза-насихІат баву.

Махъсса ппурттуву шиккун чан-чанну тІий батІлан бивкІунни КІундиннал шяраватусса бакъа, цаймигу лакрал щархъавасса агъали. Шиккун бувкІминнахъ

вяъза бусан учІай ва мизитрал имам Майранов МухІаммад-хІажи ва Гъумучиял мизитрал имам Дадаев МухІаммадвакил-хІажи ва цаймигу аьлимтал ва имамтал. Умуд бур укунсса барачатсса мажлисирттал чІявусса лакрал жагъилтал цачІун булланссар тІисса.



Учредитель

Благотворительный фонд «Путь». Газета печатается по согласованию и одобрению Муфтията Республики Дагестан

Редакционный совет

Председатель редакционного совета муфтий РД
Ахмад хаджи АБДУЛАЕВ
заместитель муфтия РД
Махди хаджи МУТАИЛОВ

Главный редактор
Азиз МИЧИГИШЕВ

Редактор

Шамиль ОМАРИЕВ

Заместитель редактора

Иса ОМАРОВ

Канонический редактор

Давуд хаджи ТУМАЛАЕВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
П/И № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати»
по адресу: пр-т Акушинского, 20

Заказ № _____

Тираж 2 550 экз.

Сдано в печать 29 февраля 2016 г. в 17:00

Индекс 51388

Адрес редакции

367015, РД, г. Махачкала,
проспект Акушинского, 5-я линия, 19.
Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru
www.assalam.ru

Цушарниясса Абдул-Маннан

дайдихъу 1 лаж.

Цува жагьилну унува ганал ца лагма ялтгусса шархъавух дурккун дур ххуйсса дурккучушиврий. Ганал ххуйсса чуни мизитравун бувкссса халкъ нюзмар кьини махлаттал байсса бивкун бур. Цала бусса ятту-гъатара бавххуну, цанма аьркин багъни ганал ласайсса бивкун бур яла ххирасса динналул луттирду. 1877-ку шинал Дагъусттаннал аьршарай оьруснал паччахьлугърайн кьаршисса восстания хьуну дур. Му восстаниялувух хлала хьуну бивкун бур динналул аьлимтал. Восстания паракъат дурсса чумал бувгуну бур циняв гьуртту хьуми. Цаппара аьс бувну бур, 1000-нния ливчусса инсантал Ссибирнавун тлайла бувккун бур. Чявуми ливтуну бур Ссибирнаву, сагъну ливчъми зана бивкун бур. Абдул-Маннан му чумал дуклай ивкун ур мадрасалуву.

Абдул-Маннаннул цала буттал шяраву имамну зий шанна шин дурну дур. Яла диндалул даража гъаз дуван лавгун ур Къувалив, Нухулив, Щамахлив ва Бакуйн. Тийх мунал дуллуну дур шайхшиврул ца. Ацъра шинай дуклайгу ивкун, зана хьуну ур махъунай. Абдул-Маннанлул мукъра шин дурну дур Ахттав имамну. Му Ахттав уна хъу-лухччилулсса бувайсса бивкун бур уссил Рамазаннул. Хархавар бакъа га къашай хьуну ивкуну ур. Абдул-Маннаннун багъну бур шавай зана хьун. Мунан дакнин кълуну бивкун бур шала Къуръан. Къуръан бакъасса цаймигу аьраб элмулул луттирдаясса аятру чярусса дакнин кълуну диркун дур. Мухтасар турчан, шавкъирай яругу лавкъуну дакнин буккайсса бивкун бур. Аьраб мазрай чивчусса чявусса элмулул жужру таржума бувну бур мунал лакку мазрайн. Цушарнил хъун мизит бакъасса, ганал чивисса мизит бувну бур цува яхъанакъисса Хъушци тисса шяраву. Га мизитрал чаравгу бувну бур чивисса мадраса, 20-25 оьрчл дуклансса. Лагма шархъава (Гъамияши, Ккацран, Цуувкра, Хъурхъи) бувкун бур мадраса тивтуну бусса бур тий миски-гъаривнал оьрчлан. 15-16 шин хьуну дур Абдул-Маннаннул (Апанни-уссал) мадраса тивтуну. Цала чиви мизитрал хлуджалух бивкун бур хъунмас-

са аьраб элмулул луттирдал бувцусса ва цаймигу диндалул луттирду бусса чламу. Шяраву хьусса бивкун-букку, цуну бусса оьрчлан цла дизаву Абдул Маннаннул дакъа къадайсса диркун дур. Шяравусса цинявннал ганайн Апанни-усса учайсса бивкун бур.

Апанни-уссал чявусса диндалул дустал бивкун бур: Гьумучиял Гъарункъади, Ваччиял Аьлибаг-хлажи, Ахъушиял Чарак-къади, Аьли-хлажи, Ахттал Гъази-Махлалмад-къади. Ганал хъамал чявусса Кураллаву бивкун бур: Ку-



раллал Хлажи-мурад, Ахтиял Аьвдул-Халикъ хлажи, Кураллал Хлажи шайх-Баба ва цаймигу. Къурбан биххайсса кьини Апанни уссал 25 яттил хлайван, бивххун, яла бутри бувну шяравусса миски-гъаривнайх бачлайсса бивкун бур. Ганайн учайсса бивкун бур миски-гъаривнал урчламур ка куну. Ганал буттал цимилагу ганашал гьалгъа бувну бур чявусса садакъа буллай ура тий. Амма Абдул-Маннан цала тимиуний авцуну ур. Абдул-Маннан цал лавгун ур Туркнал оьвкусса мажлисрайн. Га мажлисрай ганахъхун буллуну бур захматесса суаллу, Туркнал аьралуннавасса дурккучувнал Ахундал. Циняв буллусса суаллахъхун ганал жавабру дуллуну дур. Яла Ахундал Абдул-Маннаннул дирзун дур «эфенди» тисса ца.

Хьусса Совет хлукуматрал революция Абдул-Маннаннул къамул дурну дур, гай ххув хьунсагу бувсун бур,

гайннал тимур бан аьркиншивугу халкъуннахъ бувсун бур.

Абдул-Маннан шавай клура авну ур цала буттал шяравун. Чумуй лавкъсса мадрасагу цунилва тивтуну бур. Апанни-уссал чявусса садакъа байсса бивкссар. Ганал дуллалисса даврин бигъану кумаг шайсса бивкун бур, чарив къаклулу, цанмавагу хавар бакъа. Цушарния Хъушав лахъайсса кланай ганал бувну бур ламу. Халкъуннал кланийн учайсса бивкун бур «Апанни-нал ламу». Хъурхъиял аьршарайгу був-

ну бур чарттая шараци, га шарашунгу учайсса бивкун бур «Апаннинал шараци». Шяраву къумасса ххуллурду гьарта бувайсса бивкун бур. Ялагу, цала арцуй шяравусса школа сакин бувну бур, цаппара хлаллай школалий лакку мазрал дарсту дихълай ивкун ур. Чаравсса инсантуран Апанни-уссаву чярусса аьламатру ххал шайсса диркун дур. Шяравусса инсан къашай хьуннин ганал каруннийх ттангъри шайсса диркун дур. Гай ттангъри къакканшиврул гьарца мудан бартукъ ялун бутайсса бивкун бур. Хъушиял шяраву щин чансса чумал ганал цала аьсав щуну ца кланттай щин дачин дурну дур. Яла махъ гикку шараци хьуну бур. Ца кьини хъхъувай хъамалугу ивкун Апанни-усса авчуну ур шавай Хъушав. Га тлайла уккан увкун ур Шагъмилав тисса адамина. Жегъир ххуллийх най буна клягу, цакуну ялату валт дагъну дур хъхъичун,

яла махъун. Шагъмилав нигъа увсун ур. Апанни-уссал увкуну бур: «Ина нигъа маусара, ва Аллагънал аьламатри. Шикку ккавкмургу тачав щихъчлаб мабусара», - куну. Яла Апанни-усса «Аллагъ» тисса махъгу увкуну, акъахъуну ур. Шагъмилавлун га цамур кланай ххал хьуну ур, лагма чанигу лавхъун. Мукун хьуну бур шамийла-мукъийла. Апанни-усса чявуну «Аллагъ» тиссаксса арх хъанай ивкун ур Шагъмилавлуя. Апанни-усса дуниялий уссаксса Шагъмилавлул щихъчлаб бувсун бакъар. Цалгу Апанни-уссагу, ца шяравусса оьрчлгу, чу бувцуну най бивкун бур Хъурхъияту шаппай. Цушарнил дянив шараци бусса кланайн бияйхгу, Апанни-уссал увкуну бур оьрчлахъ: «Ина тти насу шавай, на навалу гъаннача», - куну. Лаивкссса оьрчлан ккавккун бур Апанни-усса гьалгъа буллай кляа адаминашал, щюллисса хьлатру лархсса. Чун ларгун махъ Цушарнил жяматрал Хъунмизитрая бувну бур шяраваллил клуб. Киву цала къавтлаву-ссувхлатругу буллан бивкун бур. Абдул-Маннан цимилагу бувчин буллай ивкун ур шяраваллил халкъуннал къабучишиву га мизитраву ссувхлатру буллан, барча бакъашиву дагъантиссар тий, амма жаматрал ганах вичи дирхъуну дакъар. Цала тимур инсантурал къабувкун ганал цува ивчаннин га клуб бувсса мизитрал чарах цалагу лавгун акъар. Ганал учайсса бивкун бур: «Утти ва жула шяраву муданна мискиншиву, барачат бакъашиву яла къагъантиссар», - куну.

Апанни-усса жяматрая арх хьуну ур. Цала къатрал чарав Хъушав бувсса мизитраву халватрахун агъну, Къулгъу-Къуръан, дуаьртту ккалай, Аллагънайн аьлеххаву тий гъан бувну бур оьрму. Юзбаши Буттахъал Абдул-Маннаннул мизитрачла дур ца чирисса хлатталу, цинявппа цала тухумрая ливтлусса инсантал буччайсса. Цува сагъну уна Апанни-уссал га хлатталлив бувгуну бур ахъулссаннул мурхъру. Лагмагу бувну бур чарттал чира, ятту-гъатара къабуххан. Абдул-Маннан накълу хьуну ур 1958 шинал, оьрмулул 100 шинаву.

АЪЙШАТ ХАЖИЕВАЛ
«ЛАКРАЛ ШАЙХТАЛ, ВАЛИТАЛ, АЪЛИМТАЛ»
ТИССА ЛУТТИРАВА

ССУРВАРАНССА НАСИХИЯТ

Хъаннил зикриллу адабру

Тун ччай бур ва макъалалий бу-сан ттунма ккавкмуния, ттула дак! цуцумуния. На гьуртту хьуну бивкра чявуса лакрал шяраваллавусса хъаннил мажлисирттай, вяьзардай, бивклулийсса зикрирдай, мавлудирттай.

Хурмат лавайса ссурвал! Буруги-яра зухва, хаснува бивклулийн нанисса чумал, зува цукун наниссарув. Бивклулийн бучлан аьркинссар чурхгу, яннагу, бакрайсса карцигу лази лавкъуну. Хъатлийн кунма яннагу ларххун, бакрай карцигу дакъа, кахри кутласса гьухъувух бивклулийн жижара буван мазанарду. Мукун бусса жижаранияр, бувагу къабувну хьинни. Бивклулийн бувккун зикрилий багъарча, миккугу дуссар дуруччин аьркинсса низам ва адав.

Зикриллул бакл хъанакъиссар «ла илагъа иллаЛлагъ, Мухаммадун расулуЛлагъ» тисса махъру. Вай махъру увкуманан чир хьунмассар, дак! марци бунагъирдая шайссар, чурх дуржагърал царан хларам шайссар.

Жува зикри бихълайни малаиктал лагма лагайссар. Агарда хъаннил ца члара члалай духъурча, малаиктал гъан къашайссар, га бивхъусса зикригу гиккува къабивтун зана биклайсар. Мукунсса зикрилуясса хайр чанссар



ивклусса инсаннал рухлирангу, жунмагу. Бивклулул залуннал дуллалисса дуркрандал, садакьарттал даражагу лагъссар.

Зикри буллалисса чумалгу марцину, чаклингу бивссуну, къиблалин лажин-

ну ник риршуну бикан аьркинссар. Инсаннал бувсса бунагъру зикриллу мажлисрай гьуртту хъурча, ми бунагъирттая марци шайссар. Аллагънал аьмурулийну малаиктал бучлайссар зикри бихълахъисса кланттайн ва гикку буми Заннал аьцимилувун бахълаган бувайссар.

Зикри бишин инсантал цацлун хьувкун, шайтангу дуниялгу цацлу шайссар тлар. Шчайтаннул учайссар тлар дунияллухъ: «Вайннал дуллан нанимур члалай бурив, вайннан тти ци банну?», - куну. Дунияллулгу учайсса бур: «Бити, на мий мичча кьуртал хъувкун, вичан бувцуну бучланна, винма ччимур бан», - куну.

Тти зува пикри буvara, жува цукун биклару бивклулий, ссаха зун биклару.

ХАЖИЕВА АЪЙШАТ

Цанасса хъаннил тагъар

Хъамигу, араммалгу Аллагнал ﷻ хъхъич аьрхлалссар, Кланал ихтияр дуллумуниву, ва къадагъа дирхъумуни-ща ххассал хъанахъавриву.

Цанасса чумал хъами дакъасса гургу тисса мажлису бакъар, цинярда рекламарду дур хъами хала даркъусса, мурдалса кинорду дур ливсса хъами ккаккан буллалисса, казинорду, ресторанну бувцуну бур миннул. Хъами машин ласунгу, даххангу буюхлай бур, къай-къуйлин ккалли хъуну дур. Зунма чалай бухъунссар, телевизорданувух, авурсса журналлаву, ккаккялун бивхъусса машинарттащал, къатлул бузлуштал буссар хъами, лутгуннандугу ларххуну, гъарцаннал хъхъич аьвратту чалачи дурну бавицуну. Басмаханалул ита дакъаймургума дуссар куртгуну хъазам чалачисса хъаннил суратру дирхъусса, гъарца чалачи бивсса хъаннил базуллул буссар цила-цила багъа, тгучанда-луву дахлахисса диклул кунма: ччаннал диклул ца багъа, хъурттарал диклул цамур багъа, линсру ва м.ц. Дунияллул тарихраву диркссар чунну, хъами хъуслин ккалли буллалисса, ягу гайннул ялун бичулун ккалли буллалисса. Ва иш чявуми хъаннил къамул буллай бур, укун бикан аьркинсса кунма, аьвзал заманна шинмай, цала чурх бахлан аьркинсса кунма. Яла махъ, мукунсса хъаннил, цачун дурну арцу, машин ласлай бур машина, къатта, лахху-ликкулул баклу ва цивппа тархъансса хъаннин ккалли буллай бур.

Мукунсса хъаннил хъирив багълай бур цичлав дуллан къаччисса араммал, шарссанил ляркъумур дукалну тисса. Гукунсса «адаминан» хавар бакъар, гай арцу шарссанил ча-цукун ляркъуссарив. Амма чанса бунугу къанкъасса хъаннил мукунсса иш хъунмасса хлаллай къабухлай, буккан буну мийгу, циняв араммалнах сси лахлан биклай. Мий араммалнах хъаннин къаритангу буюхлай оьккисса лахъай цуцлавуртту, миннувах ВИЧ кунна азгъунсса азаргу. «Исламрал зулмулул» «ккуччу» къадурсса, тти заманнул, тархъансса шарссанища хъунссар цимигу зурдардий цийнна цурда къадучавай личан депрессия хъуну, бивзсса сси хланттиву, наркотикраву лялийн бан. Яла, махъ бувчуну мукун ялапар хъанан цинма къаччишиву, ца клама шанаша бай дарурал хлавчуну, абадийсса шанувун лаглай дур. Мунин мукун цинма ччай бур. Вана укунсса бур оьрму, цаппара тти заманнул «тархъансса» хъаннил. Тигъаннугу диркссар «Исламрал ккуччу къадурсса», тархъансса хъами. Мий диркссар партиялул хъами, Владимир Курбаговлул тийкун — «Лирсса хъаннил личийсса жура». Партиялулун духлахисса шарссанин бувчин байсса бивкссар: «Вания тихунмай, хъама бити инана хъамитайпа бушиву, ина партиялул зузалара. Хъунисса къуллугъру бувгъусса хъаннин хъама ритан аьркинну диркссар цала жинс. Курбагов чичлай ур — «партиялул хъами» коммунистураштал ларгъурча тарихравун, «парламентрал хъами» — хлакьинусса хъами, цалва аькьуллий зий

бакъар, хлакьинусса къинилин буну зун багълай бур, цайминнал пикрилин мюгли хъанай бур. Мий бур маз чявусса хъами, «Исламрал зулмулулхъун» къабагъсса тий. Хъхъича заманнайсса бусалардаву, хъами ккаккан дурну дур, инсантал ниъга бусан буллалисса ссихирчиталну, адаминахун дахчусса пиръаьн-къарину, кавтар къарину, ххуллу бахлай къаитлатисса. Дакний бухъунссар пиръаьн-къарихъал хъатив. Аьвзал заманнайсса жугъутнал диркун дур Лилити тисса кавтар, мюрщи оьрчал ва араммалнах хъирив дагъсса. Мунитуритлар жугъутнал араммалцивппалу шанан ниъга бусайсса, Лилити дучанссар тий. Цинявнин кфулли Баба-Яга, гъарцаннан бахурду, макурду гъан буллалисса, оьрчру ниъга бусан буллалисса. Вайгу Исламраву бакъасса хъамири. Европана-ву хъами Иблислуйн мюглиминнан ккалли байсса бивкссар. Миннал Аллагъ ﷻ акъассар, тий бивкссар. Къурххил чант учайхту, жугъутнал дуккайссар дуаь: «Вияту ца дуллай ура, я ттул зал, Дунияллул Хъунама ва ттул заллуй, барчаллагърай ура, Ина на хъамитайпану ляхъан къауьсса». Кашиштурал шарссаний бихълай бур тахсир, Хавал бувсса бунагърал цаний. Ислам дакъасса чумал, оьрчи буван чун хъусса шарсса шяритайсса диркун дур аьрщараву дурксса хъунтулул хъхъич. Агарда ганил душ барча, га хъунтулулун бутайсса бивкун бур, оьрчи уварча, къатлу-вун ласайсса ивкун ур. Ца адамина увкун Мухаммад Идавсичан ﷺ бувсуну бур: «Хъхъичава, Ислам дучаннин, инсантура-

ву диркун дур аьдат, бувсса душру сагъну бунува буччайсса. Тгунгу бунна куннил ку хъирив душру. Нагу гай, аьдатрайн буну, сагъну бунува аьрщараву бувчуссия. Ялагу ттул шарссанил лякьуву хъувкун, тгун багъуна лахъисса хлаллай цамур кланттайн гъан. Зана хъуну увкун, шарссанил бувсуна ивкун арс увну ва га аьрщараву увчучиву. Ялагу гъан багъуна тгун мукъра-хъюра шиная архсса билаятрайн. Шавай увкун, тгун ляркъуна ттула шарсса ца бакрал ххуйсса душнил бакрайх ттарал дуклай. На цуцлав, му цу душри, куну. Шарссанил жаваб дуллауна: «Ва жулва душри. На ниъга бувсунав вихъ ттиту душ бунни учин, ина га бивчанссар тий. Ва ттул ссийча хъунма хъуссар. Жуна ивкунсса оьрчгу къауьссия», куну. Мукунсса иш тгунма бавукун, на дуккав хъунсса хъунта ва бишав гиву хъунма хъусса ттула душ. Цила ялун аьрщи дичлан ивкун, душнил цувххуна: «Бугтай, мийжаннугу ина на бивчаннав? Навалу къабивтун шавай гъаннав?» — куну. На ганил ялун дичлай усияв аьрщи, га бахълаганнинца». Мухаммад Идавс ﷺ вичи дирхунгу ивкун га адаминах, аьлун ивкун ур. Яла увкуну бур: «Къабикантиссар рахму, рахму къабайманан. Дучантиссар Къини, сагъну бунува бувчумунил цуххинтисса: «Ци бунагъ бия ттуй ина на бивчан?» Ва дазу дакъа рахму бакъасса аьдатрал ккаккан буллай бур цуксава кукулу-кутасса, къовкъу-къадарсса бивкссарив хъамитайпа ва ганил оьрму.

(*сихунмайгу буссар*)

МЯЪРИПАТ

Барачат зана баву чла тун чунни

дайдихъу 1 лаж.

Мугу хъунсса инсаншивугу, аькьудухингу хъанай дур. Ми дакъассагу, цайми-цаймигу ххуйсса аьдату, жула инсантураву чярусса дуссар. Цанасса жагъилтуран ми къачалайнугу, чалачиминнан къадурчлаййнугу, хъунисса инсантураву аькьуду-духингу мундангу дуссар. Мунитур Аллагнал ﷻ Къуръандалийгу, Мухаммад Идавсил ﷺ хладисиртгавугу нитти-бутгахъал чулинмай хъунмасса хурмату, ччавугу дикан аьркиншиврия бусласисса. Ва макъала Цушарнив лагаврин хас дурсса дунугу, шикку чансса вай цанасса жула жагъилтурава хавар гъаз хъунни, цанчирча Гъумукун, Ваччав лавгсса чумал хисав хъуна жагъилтал чарах бувкун лаглай, ссаламгу къабулуну. Яла нава хъирив цаннахъ «Ас-салам аьлайкум, уссу», увкун махлаттал хъусса куну уруглай лавгуна, чарав шябикъсса хъамитайпалул хъангу бивкун, цана ший ссалам булаву чан хъанай дусса иш буссар, увкуна. Ца бусала бур тгунма ххуй бивзусса, мягна дусса: оьрчи 10 шинавусса чумал мунал пикри биклайссар тлар, цала буттан гъарзад кфулссар тисса, 15-20 шин шайхту ганал пикри биклайсса бур буттан за къакфулли, тгуннар гъарзад кфулсса тисса, 30-40 шин шайхту ганал пикри бусса бур буттангу чанкъансса зару кфулну бур тисса, 50 шинавун ияйхту ганал пикри биклайсса бур, буттан гъарзад кфулссар тисса, 60-70 шинавун ияйхту чайсса бур: бутта сагъун усания на ганахъ цуххинссия ва ишираву цукун бан аьркинни, куну. Цанарив нитти-буттал тлайлар-къатлайлар куну аьй за дуварча, ина цура тухъ мукун тун, тгунма ччимур буллай ура тисса ишру хъанай бур. Жуйра хъунминнайгу чансса аьй духъунссар ва иш укунсса кланайн багъаву, цанчирча дакнин буттяра жулва бутгахъ-

ал, ттатгахъал жува цукун тарбия буллан биклайва: аьркинний дъьвигу буну, ххирагу буну, мюглийгу бувайва. Совет хкуматрал чумалгу дия къанкъасса закон, школардай тарбия ххуйсса дуллай бия. Мюрщину бунува оьрчру цал октябрята буну, яла пионертал буну, хъирив комсомольцы, коммунисты буллай, миннуха зузисса идарарту дия. Аммарив Совет хкумат дучаннин жула миллат бия азардахул шиннардий Исламрал диннул ххуллий яхъанайгу, мукунна му диннул тарбия дуллайгу. Гай хъхъичарасса чуннардий хъиннура къанкъасса тарбия дулайсса диркун дур, мюрщину бунува мактабравун яла мадрасалувун, гихунмайгу пишардугу лахъхъин буллай, захлат ккаккан буллай, тарбия бувайсса бивкун бур. Мукун буллай тий минна-ту ччарча дъьвирдай къанкъану талатисса вирттал, мукунна чявусса чувшиврул царду ларсса араммал хъуну бия, Совет хкуматрай яла чявусса дъьвилул вирттал хисав бувайссар тлар лакараву, миллатраву циксса халкъ буссарив бувккусса чумал. Мукунна, шярваллугу гъаз дурну, зузаврил виричувшиврул царду ларссагу чявусса бивкссар, дуркушиврул аьлимтал, доктортал ва мукунна цайми-цаймигу иширтгавугу хъхъичунмайсса араммал бивкссар. Миннал гъану ча най бивкун бурив хисав бувара уссурвал, ми шил тарбия буну бивкун бур ххал бувара, жунма чалачисса куцдуй, жула хъун бутгахъал, ттатгахъал. Гай бия жула тлайласса диндалул ххуллу бувгъуну нанисса инсантал; бакъассия учин шицакфул къахъунтиссар, цанчирча, жува циняв пахру буллан биклару, ттул ттаттал цавагу чак къакъабитайссия, ягу хъунна бабал тгун Къуръан буккин лахъхъин бувссия тий, буслан биклару. Цана жува цюри лахъхъин буллалисса жула оьрчан-душваран: телевизордан, интернетран, телефон-



Цушулал хъуначу

навусса цирив къакфулсса бялахъаврихун бивчуну буру жула оьрчру, яла буру мий вичи дихълай бакъар, вацравун лихълай бур тий, пашман хъанай. Циванни жула жула дингу, лакку мазгу, бутгахъал тарбиягу хъама ритлатисса. Ягу жува Совет хкумат зана хъунтиссар тий, Сталин учантиссар тий бурув. Пайлану бувчара уссурвал, на я Сталинуйн я коммунистурайн, ягу Совет хкуматрайн цичлав къаршисса за тий акъара, цанчирча хъунсса шейх Чиркейраясса Саид-Афандинал луттираву чивчуну буссар, Совет хкуматрай куннасса бигъашиву инсантуран чувчлав душиву къакфулли, миннал так ца ишраву бивкъаву хъунни, динналийн, Аллагнайн къарши буккаву, куну. Мунил цанийгу я мусульмансса инсантал, я Саид-Афанди, ягу жува лакрал миллат га хкумат зия дуван, ганийн къарщину къабувкхухха. Коммунистура бикчитурал цалчин хларачат бунни га хкумат пив дан, дух лаган дан. Муниву жува циняв буру зарал хъуминнав. Аммарив нукдува тисса куцдуй, оьрму левххуннай бур, лахъхъусса мюрщи оьрчру хъуни

хъуну бур, цала нитти-бутгахъа чярусса тлавшиннарду дуллай бур. Ялагу жунма чалай бурхха щалагу дунийл шарай дур, цавай укун, гайми тукун бикан аркинссар тий. Жущава шайсарив микку тлайлашиву лякьин?! Тлайлашивугу, бигъашивугу тгун чалай дур, жула бутгахъал тлайласса дингу, жула мазгу, жулла аьдатругу хъхъич дургъуну, цалчин жула кулпатирдаву низам дирхуну, яла мачча-гъаннал дянивугу тлайлашивурду давриву. Мукунна, жула жамятиртгавугу динналлулгу, инсаншиврулгу ххуллурдугу тлайла буну, яхъанай бачавриву. Мукунса тлайлашивурду дуваншиврул цалчин адаминал инсан аьркинни адаминашиву дуллан, кулпатравугу, маччанавугу, жамятиртгавугу. Миччар дачайсса низам. Му низам жула кулпатирдаву дакъаний, яла жамятирдаву къадикайссар, миллатравугу къадикайссар, республикалийгу, хкуматрайгу къадикайссар. Ца хъунна аьлимчувнал куну бур: «Адамина адаминашиву дуллай ухурчан, хъамитайпагу хъамитайпану бикантиссар», — куну. Иш укунма бачирчан, лакрал миллатраву ттиту буюхъайссар ца Парти-Патима букан. На хъаннил чулухунай цичлав къаршийсса тий акъара, ми гъаксса хларачат булай бур цала кулпат ябуван, къатта-къуш щалу буван. Аммарив араммал аьркиннихха жамятирдаву низам диншин, тлайлашиву дуллан. Абдул-Маннан Афанди миннат буллай ивкун ур га мизитрая клуб мабувару тий. Микку хлантту хлаллан, балайрду тун, къавтун къабучиссар, барачат ласайссар тий. Му иш буюхъайкун ччяни тлайла бан, мизит цала Аллагнал ﷻ ккаккан бувсса ххуллий зузи буван, шяравунгу щалагу миллатравунгу барачатту зана хъун. Цушулал жяматрангу, жунмагу цинявша динналлул инсантурунгу хларачат бан аьркинни. Хларачатрача барачатту булуннав Аллагнал!

Жиндардил Табиаът

дайдиху 1 лаж.

Цамур журалул махлукъ уртту-цинни. Цамур жура ущу-цулгьир. Ялагу ца жура лелуххант, хлабри, шатри, хлайвант, жанавартри. Вай циняв затиргтан хъунмасса аькьлу-кьулши бакъассар буллуну. Миннул даймур-дитаймур куклу-кутласса, бигъасса дуссар. Ляличийсса махлукьну хъанхъисар малаиктал. Мийгу нурдани-ятау ляхъан бувссар Аллагу Тааьланал. Малаиктувал даймургу ритаймургу, так ца эбадатри, так ца Аллагу Тааьланал амурду шаллу бавур. Так ца хъинмуний бацлавур, жунма хъинмур ххуймур дакнийн бутлай, заралмун-ния буручлачавур. Хлакьинумур ихти-лат жиндри тиймий махлукьраятур.

Жиндри ляхъан бувссар Аллагу Тааьланал цараятур. Инсаннан кунма миннунгу аькьлу-кьулши хъуннасса дуллуну дуссар. Миннулгу буссар жул-ва кунма миллатру, мазру цаннасса цачуншиннарду, бакчитал, аьраллу, къушру, нину-шу, оьрчру. Цавай хъун-нисса чурхру бусса, цавай мюршисса буссар. Цавай ца кланттуцун бавхусса, сукку къашайсса, гайми клани-кланттурдайх бувкун бучайсса буссар. Чурхру жулва кунма дикюя, ттурчяя, бурчуя, чларардая бакъассарча ляхъан бувну, пуркьу къабуккайсса царая бус-сар ляхъан бувну. Жулва кунма шатти-рал хъирив ша ласлай манзил, ххуллу битаву дакъассар. Малаиктурал кунма янил ляп учиннин хъунисса манзиллу битан шайссар. Инсаннал няраща кун-на личи-личийсса элмурду лахъхин-духан къашайсса. Ца журалулмур элмур миннуца лахъхин шайсса. Жуннасса элму, канилу думунил, дун-ияллий думунил хасиятру-глабааьтру лархъхуну, ишла дурну, хайр мюн-пат ласун шайсса куцуйсса дуссар. Жиндардин дуллумур элму ттурча, цала миннул ишла дарчагу, жуцава мюнпат-хайр ласун къашайсса, ишла дуван захматсса, дукъарчлайсса жура-лул дуссар. Масалдаран инсантуран кьулссар чару гъавгъун, цувцуну, ба-къин бувну, лях пьп дирхъуну, цанний-ца бивхуну чира буван. Миннун кьулссар хъунисса чартгал улгги хху-ку дурну, дакъин дурну, гъаз дурну дацан дуван. Тай хъхъичва заманнай хъунисса кьунтту бакьин бувну, гъаз бувну, дурсса давурттив (пирамидарт-ту, хъунисса чалъаьрду, мизитиргтал чиртту), цинявгу жиндардил дурсса давурттиври. Инсаннал аькьлулий дурсса дакъаьувкун, тай давурттив дурсса куцгу жунма къабувчлайссар.

Ягу цамур мисълал. Инсаннан кьулссар уртту-шиная, ахьулссаннуяту жунма аьркинсса дарувртту буккан, дукра ду-ван. Миннун кьулссар гайра уртту-щи-наву, ахьулссаннуву думур хасиятру, амма жунна ишла дуван, хайр ласун къашайсса журалийсса. Ялагу миннун-мур аькьлу жунма буллумунин ухчин лавайсса буссар. Жулва урчлахалу миннул кияхалур. Жулва ялалу мин-нун лувалур. Жунна архмур миннун гъанссар. Жува шяв шябиклайссару, мий магъалун батлайссар. Жува дукра дуркуну базу-базурдавун дюрххун буч-чайссару, мий цанна хлалал риртсса ду-кралуйн ка шуну, кьункьайн ссунтI ув-куну буччайссар. Жулла мина къатраву диклайссар миннулмур лухччайсса хъакрурдаву, нуххурдиву, инсан къаух-лай, инсаннал къанкъ дух ларгсса къа-траву диклайссар. Инсан умур къатраву ттурча, хламмавраву диклайсса.

Цивпагу кива тайпа буссар мин-нул. Жула бутгахъал киялабий ва лухлимий учайсса бивкиссар. Киялабий Аллагнайн ﷺ вихмийри, мусульман-мий. Миннулгу жулла кунна эбадат, чак баву, зума дугъаву, Кьуръан букка-ву, зикри бишаву, ялагу цайми затру дуваву дуссар. Лухлимий ттурча ча-пурмий хъанахъиссар. Мий жухунма бахчирчан бакъа, зарал барча бакъа, цукунчлавсса хайр бакъассар.

Утти, жувагу, мий жиндригу чачу ва дунияллий ялапар хъанай бунагу, жунма мий чалай бакъассар. Муни-яту жуятува миннун бикьу, миннуяту жунма бикьу зарал къаьхуншиврул, жунма миннул хасият-глабааьт кьулну диклан аьркинни. Жуятува миннун зарал къабиярча миннуяту жунмагу къабияйссар. Хъхъичва-хъхъич, мий жулва къатравун къабухханмур буван аьркинссар. Мий къабухханшиврул жула къушраву, къатраву Аллагу Та-аьланал жунна хларам дурсса, зарал-сса затру къадиклан аьркинссар. мийгу ци журалул духъурчагу хлан-чахир хъанахъиссар, дирхъусса суратру хъа-нахъиссар, дарцусса, ягу цаманачлату зерххусса затру хъанахъиссар. Аь-лагъужарду, къалмакъаллу, лахъсса вев-шевлул чурду бакъаьурчагу, жиндри арх шайссар жуятува. Къатта цуппагу марцуну, лавкьуну, ххуйсса нахлусса къанкьру дуну бухъурчагу, арх шайссар жуятува. Миннун ча-палсса, оьккисса къанкьру думий кланттурдур ххирасса. Ци даву дул-ларчагу бисмиллагърацал дуварча-гу арх шайссар. Къатлувун уххайни бисмиллагъ, уккайний "аоьзу билла-гъи мина шайтани рражийм" учир-

чагу арх буцайссар. Хаснува хъхъу-рай шин къатлув эьки рутлайни учин аьркинссар бисмиллагъ. Къаучирча, мий жиндардийн дагъну, сси лахъ-лай, зараллу биян буллай бачайссар. Миннул минарду дишин бюхъайсса, нуххаву, аьрщарал хъакрурдаву, заллу акъасса, къаухлай лахъилавгсса къа-траву миннун къаччимургу къадур-ну хъинссар. Миннун къаччимургу – миччалу чапал бавур, кьулшин бувну, яту жунна хларамну ккаккан дурсса кьеллу давур. Мий давурттив дуварча, ивчлавриягума нигъ дуссар. Цуллуну-сагъну унува, зунттаву, нуххурдиву, ххяллайх агъну, хламмавраву уна ивчлаврил багъана, мий жиндар-дин зарал биян бувну, яла миннул хъирив сси лавхъун хъусса ишрур биклайсса чявуно. Леркъсса эялла-вух аьркиншинна дакъа заназавугу къахъинссар. Мий жиндри, шяйтлант батлан кунмасса кланттаву уххан-нин хъхъичI «Аллагу Акбар» учавугу хъинссар, мий ххиян бувну, лихъ-лахъи буван. Амма му махъ учайний цува марцисса кланай авцуну учин аьркинссар, Аллагу Тааьланацалсса адаб дурурчуну. Ялагу, инсан балайр-ду, къавтлавуртту ххирану ухъурча, миннухъхун ириллан иклайссар. Арх дурну хъинссар мий затру жуятура. Дин дургъуну, чак буллай, зума дугъ-лай, шариаьт лахълай, лархъхумур элму ишла дуллай, Кьуръан буккав-рихун машгъл хъуну, зикри ххирану, эбадатрахун машгълну ухъурчагу, мий жиндри арх буцайссар. Хаснува гъарца чаклил хъирив «аятул-Кур-сий» дуккаварча, "Кьулгъу", "Фалакь", "Нас" буккаварча, ялунгу гужну урч-чайссар! Къатлуву Кьуръан, хаснува сура "Бакъара" буккаварчагу арх бу-цайссар. Къатраву жулла ка тиртуну, муниял лахъшиврийн батлан ххи-рассар мий жиндардин. Чирчусса аятуль "Курсий" лахъарча магъулун, миккунгу къабатлан биклайссар. Жулва чурххайгу миннун ххирас-са кланттурду буссар батлан. Мий-гу михъирдал лувалур, хъаравалур, майрал вивалур. Мий кланттурдугу марцуну битарча, жулва чурххайгу шякъабиклайссар. Михъру цивпа куькъавугу ножмар къини ахттай-нин кьувкьуну хъинссар. Кьувкьус-са мирхъругу хъисру-хъисру бувну бувчуну хъинссар марцисса кланттай, аьрщараву. Ххаришиву ялун дирну, хъиннува ххари хъанай, кьурчшиву ялун дирну хъиннува пашман хъа-нангу къабучийссар. Инсан цала биялалияту цува лавгукун миннул

канихъхун ириллан иклайссар. Мин-нул канихъхун лавгмагу зана итан захмат хъанан иклайссар. Ялагу мин-нухъхун иривма ачайссар хияллу чяву буллай, бакъамур бусса кунма, бумур бакъасса кунма чалай. Мугу цала аькьлулияту лаглагавур, хъун-насса нигъачлавур. Мукун къаьхун-шиврул, бумур буну, бакъамур шялу-ну чаланшиврул, хъинну гужсса дуаь дуссар укунсса: кьюрххил баргъ бук-каннин хъхъичI, маркчланмай, чак-клил хъирив муькьла-муькьлалилва кьивагу махъмий сурарду "Фалакь" ва "Ннаси" буккаван аьркинссар, аьмну бувккунмий аза-азарва хъун-са куцуй. Мийгу кьюрххил 13-ла, маркчланмай 12 хъанахъиссар! Му вирд дурувкун, аькьлу кьулши марцI дурккун, вас-васру яла лагайссар, оьккимур оьккину, ххуймур ххуйну чалан биклайссар. Муниннин мий жиндардияту хъусса бикьу, цалва пикрирдайну хъусса бикьу заралсса асарду яла лагайссар. Му бакъассагу, ца хъуннасса шайхнацал, аьлимчун-нацал хлалану, цалва багъу-бизу му-нацал бачин бувну хъинссар. Мугу циванни чирча, мий аьлимтуран, шайхтуран хъуннасса элму, каша, къу-драт дуллуну тий Аллагу Тааьланал. Миннан кьулну тий буруччиншиврул ци бан аьркинсарив. Ялагу мий жин-дри арх байсса, миннун нигъ дусса затру хъанахъиссар гъайкаллу (гъай-чали). Мий гъайкаллай чивчусса мугъ-ру биклайссар личи-личийсса азарду яла гбан дуваншиврул, яту жиндар-дия бурувчуну бикланшиврул. Мий гъайкаллу чичингу, лавххун занангу ихтияр дуссар, Амма гуж хъунмамур зат – жува бувккуну, жура лархъхъу-ну дурмурди! Элму – жува ябувайсса, буруччайсса ярагъри. Хисил Аллагу Тааьлагу дакний увгъуну, таваккалгу Кланайн бувтун, гъапулгу къахъанахъ-иссаксса, жувагу эбадат дакнихтуну дуллалиссаксса, буруччаву хъун-нассар. Ца дуллай, ца къадуллай бу-хъурча, мий жиндардияту буруччаву хъхарассар.

Ва чирисса макъалалий гъарца зат шаллуну, камилну чичин, бувчин буван къашайссар, миннул элмурдив хъунисса дуссар, амма дайдихъулун вай чивчумургу гассар. Жура дул-лалимур эбадат дикьу аьмал бикьу дакнихтуну, Аллагу Тааьланал ххул-лийссагу хъуну, къамулссагу хъун-нав, гъарца зараллаятугу бурувчуну, хъиншивурттугу гъарза дуваннав жунна дикьу, жулва гъанмаччаминнан дикьу. Амин

АьКЬИЛССА БУСАЛАРДУ

Оьмар-асхлаб ﷺ ва хлукчу

Ца чумал сапарданий унува Оьмардун ﷺ ккак-кун ур аваданчунал ятту канани буллай, хлукчушиву дуллалисса ца лагъ. Халифнал ганал тлайлашиву ххал дуван ччай, куну бур:

– Баххи ттун ца хлайван, - куну.

– Вай ттул ятту бакъар, вайннулгу ттулгу заллу уссар, - куну бур хлукчил.

– Хлайван бурцил бувкунни уча, - куну бур Оьмар-дул ﷺ.

– Ттула залуннахъ хлайван бурцил бувкунни учирча-гу, Къиямасса къини Аллагнахъ ﷺ ци учиви! – куну бур хлукчил.

Му жавабрал Оьмар-асхлабул ﷺ дакнивин гужсса асар бувну бур, мунал итгату макьума дурккун дур. Яла халифнал га лагънал заллу лявкьуну, тархъан увансса арцу дуллуну дур. «Мий мукьурттил ина ва дунияллий ххассал увунна, ахиратлувугу ина миннул ххассал уван-нав!», - куну, ита авкьуну ур.

Имамнал карамат

Гъижралул 474-ку шинал Низам аль-Мульк тисса вазирнан ччан бивкун бур Имам Шафий-нал гъав тиртуну, га Багъдадлив учин учин. Му-нал гъан бувну бур му даву дувара тисса чагъар Египетнавусса аьралуннал хъунаманачлан Бадру-Жамаллунан. Имамнал гъав ппив дуллай байби-шайхту, гикку ялапар хъанахъисса агъали бивк-кун, авара гъаз бувну, чартту бишлай, къабивтун бур гай аьрал гъаттайн ка щун. Цаппара хлаллай инсантал паракъат хъуннингу бавцуну, ялагу гъав ппив дуллан бивкун бур. Хлавтллил лув бив-хъусса буркунтгачлан бивукун, гива ца тлааьнсса, аьтрилул куннасса къанкъ дурккун дур. Га къанкъ риршума кьулшилиа лагайсса ивкун ур. Цайнма цивпа бивкьукун, гайннал тавбагу дурну, Имам-нал гъав махъуннай диркисса куцуй ларкьуну дур.

Му иш хъуну махъ Бадру-Жамаллул чивчуну

бур вазирнайн чагъар, цанна ккарксса карама-трая бусаншиврул. Вазирналгу амру бувну бур га караматсса иширая бусласисса чагъарду халифа-трал муькьвагу чулинмай гъан бувара, куну. Муни-яр махъ Имам Шафийнал ﷺ ца хъиннура маш-гъур хъуну дур, мунал кьиматту мусульманнаву хъиннува гъаз хъуну бур.

Ххюра за ххюнниву

«Равд ар-рияхлин» тисса луттираву бувсун бур ххюра зад цайми ххюнниву душиву. Хъус-ризкьилул барачат буссар зухла-чакливу (баргъ гъаз хъувкун, ахттайн чун дучаннин бувайсса чак), гъав нурданул дуцлаву дуссар хъхъувай бу-вайсса тагъажуд-чакливу, Мункар-Накиртуранс-са жаваб Кьуръан буккавраву дуссар, Сиратрал ламуйх лахъаву зума дугъавриву ва цадакъа бав-риву дуссар. Къиямасса къинилул дюхлу – цува-лусса кланай эбадат давриву дуссар.

Ттизаманнул баларду



МУХИАММАД ХИАЖИ МАЙРАНОВ,
САЙФУЛЛАГЪ-КЪАДИНАЛ ЦАНИЙССА
МИЗИТРАЛ ИМАМ

Къалиян учайсса, хлан-чяхир хлачлайсса, наркотикру ишла бувайсса инсаннал хъхьичъа-хъхичи цалва чурххан, аькълун хъунмасса зарал буллай ур. Мунияттури ми гьарзад бунагъсса. Хадисраву увкуну бур: «Зу архну бикийара увччу уваймуния, увччу уваймур циняв оьбалардал нинури». Увччу уваймунин Къуръандалу «хамр» увкуну бур. Му мукъувунгу дагъайссар гьарца увччу уваймур, бакъ баххана баймур, аькълу лиян баймур. Оьмар-асхлабул увкуссар: «Гьаца аькълу оьлукъин буваймур – хамр хъанахъиссар». Цанасса чумал цаппараннал пикри бур калъан учаву бунагъ бакъасса тисса. Миннал учай, аьрабнал хлукуматирттай калъан учайсса бунутий, му учавриву бунагъ бакъассар, куну. Амма калъандалиясса зарал укуннасса къалияндалулмунияр хъинну хъунмассар.

Цанасса чумал аькълунсар инсан наркотикирдая, хлантту хлачлаврия, къалиян учаврия зарал бийшиву къакълусса. Ми затирттая хайр буссар щилчав къаучинссар. Амма, му кълунугу бунува, жулва инсантурал яхъи къабувну, ми чапалсса задру ишла дувай.

Гьарца шинал Аьрасатнаву ца алкогольданул литлун буллай бур 700 000 инсан. Наркотикирдал литлун буллай бур шинал 150 000 инсан. Къалиян учаврил диян дурсса цуцавуртгал литллай бур 400 000 бивсса инсантал.

Му бакъассагу, увччу хъусса инсан-

Хлакьинусса кьини жунма члалай бур цаппарасса жагьилтал аьркин дакъасса, заралсса тлулахун багъну бушиву, масала, къалиян учаву, наркотикру баву, хлантту хлачлаву.

Къуръандалу Аллагьнал увкуну бур: «Зунма зува зарал мабулларди, зула зува литлун мабулларди». Цанма цала зарал баву хъунмасса бунагъ хъанахъиссар, цанчирча, инсаннал чурхал заллу Аллагъ унутий. Аллагьнал инсаннахъьун буллуну бур ганал чурх чумуйсса. Чурх хъанахъиссар Альлагьная жунмасса аманат. Къиямасса кьинигу жухъва цлуххинтиссар чурххал гьарца базурдал буллай бивкмуния. Муниятту, цаманан бакъасса, цанмагума зарал буван инсаннахъ ихтияр дакъассар.

нал цаймигу чъивусса бунагъру буллай ур. Увччу хъуну рульданух щяивкълун машина шун буну инсантал литллай, инвалидталну личлай бур. Бувччу хъуну куннащал ку биллай бур, литллай бур.

Ца чумал Мухаммад Идавсин ца жугьутнал жаназа хлатталлив ларсун най квавкукун, га аьтлун ивкиссар. Асхлабтурал цлувххуссар: «Я Аллагьнал Идав! Ина циван аьтгий ура, та инсан мусульманчув аькълуха?!», - куну. «На цукун къааьтлува, цала цува дуржагъравун утлатисса инсан квавкукун», - увкуссар Идавсил. Ва захматсса чумал жувагу, жулва кулпатругу, гьанмигу буруччин аьркинссар дуржагъравун багъаврия. Наркоманиялия, хлан хлачлаврия, къалиян учаврия ххассал хъуншиврул жунна аьркинмур зад хъанай дур хъхьичъа-хъхьичи дин, Ислам, шариаьтра ххуллу.

Ца чумал ца шяраву жу буссияв тучаннавух занай, рамазан зуруйсса хлантту ва къалиян мадахларди, тий. Ца тучанналувун бувххукун, ганил заллусса хъамитайпа жушчал хъинну рязи хъуна, мяйжаннугу, хлакьинусса кьини жагьилтал зия хъанай, ливну най бур, мюрщину бунува къалиян учаврихун, хлантту хлачлаврихун багълай бур увкуна. Му чумал тучан-



Жагьилтал аьркин дакъасса тлулахун къабагъаншиврул спорттраху зузи бувара

налувун увххуна ца жагьилсса оьрчи. Жу ккаккайхту чансса гьанавиххигу хъуну, уруглай авцлуна. Яла даххучан гьан хъуну, шуршулий цирив увкуна. Ганилгу, нач-начгу хъанай га орчан насвайрал чила дулуна. Жагьилтал ливну най бур тисса хъамитайпа цуппа гай лиян буваймурну ливкълуна. Жул хъхьичи цила лажин кяла дуллай ганил увкуна, на къадаххарча, ганал га насвай цамур тучандалу ласунтиссар, личишиву цире, куну. Ганин бувчлай бакъая, цила арснагугу тамур тучандалу му насвайгу, цайми заралсса задругу дахлай ду-

шиву. Жува пикрибакъашиву дулларча, жула оьрчлугу миннухун багъну лякьин буюхъайссар. Ми бацан бангу захматссар. Бур цаппара буттахъул, цала кьиссуртаву къалиянгу дургъну, оьрчлахъ насихлат буслай, на къалиян учара, амма ина маучаванна, тисса. Мукунсса насихлат оьрчлал къаласунтиссар.

Диндалул луттирдаву чивчуну бур танмаку хъявхшиву щяйтланнул клушин бивсса кланай. Къалиян учайсса инсаннал нигъачин дуссар ва дунияллий иман дакъа лагаврия. Къалиян учайсса инсан ягу бакърай карчи дакъасса хъамитайпа бусса кланай малаиктал къабиклайссар. Муниятту, инсан дунияллия лаглагисса чумал къалиян учайсса инсан ягу члара члалачисса хъамитайпа мунал чларав буюхурча, миккун цимилул малаиктал къабучлайссар. Мукунсса инсантал ивклакима усса къатлува буккан буварча хъинссар. Амма га ивклакима цува къалиян учайсса ухъурча, цире бувантисса?

Гьарца инсаннан ччай бур талихисса оьрмугу, ххуйсса давугу, кулпатгу, къаттагу, машинагу. Амма ца къалиян учаву, цал насвай бичаву, ца хланттил истикан хлачаву буюхъай хъун инсаннал талихъи лияврил дайди хъуну. Ца минутрайсса, ца ссятрайсса кайпрал цаний цала цуллу-сагъшивугу лиян дурну, дуржагъравун хъяххаву, чумуйсса дунияллул неъматирттах абадлийсса Алжан

баххаву ахъмакъшиву дакъарив?! Мукун байминная Хадисул-къудсилулу увкуну бур: «Вил савдалуя хайр бакъассар. Ина уттигу шанай ухъурча, чантл уку му шанува».

Оьшиву, бунагъ буллалима ккаккарча, жулва буржри му каних бацан буван, каних къахъурча, мукъуйну бацан буван, мукунгу къахъурча, дакълуну мунащал рязину къабиклан.

Аллагьнал жува буруччиннав гьарца лайкъ дакъасса хасиятирттая, булунав аькълу ва иман чумуйнусса неъматирттах абадлийсса неъмату баххана къабуван.

НАЗМУ

Шайх Сайфуллагъ-къади накълу шаврил шеъри

Идавсил наслуиятусса Авлиягътурал Имам,
Пана Дунъял къариртун, Ахиратлувун лавгри.
Вил барачатрал файзгу бакъа хъуну ливчлунну.
Аьрици-савнил дянивун инсан акъа ливчлунну.
Рухъ марцисса инсантуран буххансса клану бакъар.
Шайх Зайнуллагьнал мюрид Халид Сайфуллагъ-Къади
Алжаннул фирдавсраву Идавсил члаххучуну,
Вила хъунасса Заннал Ахиратрав гъаз увма.
Ина гъаз дуллай ияв инсантурал ххуйшиву,
Заллуну ияв ина ва къюлтисса элмулулу,
Хикмат бусан къашайсса хасиятирал заллуй,
Вил хъуншиву тасттикъ дан ца будал автад гьари,
Къашавайманал хлакин, рухълугу марцъ дайсса муришид,
Акъассар тти жун цуцлав файиз бачин бувансса.
Аькълугу бухлавгунни, кълулигу дакъа хъунни,
Жу ччувчуну най буру вичлансса зикълулу.
Вин члалангу биклайва рухълурал къатлайлашив.
Жу хладурну буссияв, жувагу, кулпатругу,
Эшкьичаву думигу, архлал цинявта бавтлун,
Вихлу жанну къурбан дан.
Аллагьнал къудратрая, Заннал къадардания



Ялув Къазанищливсса шайх Сайфуллагъ-Къадинал зиярат

Щицакълуй лихъан къашай.
Пана Дунъял къадиртун цинявтагу инсантал
Дуркку хлавлливу бивхъун аьрицарал бугъантиссар.
Ина ияв цалуну Идавсил наслуясса.
Ина ияв хлакинну халкъ, агьлу хъин бувайсса.
Бунагъру чъяву шаврил къукъуцуцун хъусса дакълугу
Цимирагу дурссари чанна дурну, марцъ хъуну.
Вил хъунмасса даража къабувчлуну ливчлунну,
Жу кунмасса агьлулу цукун бувчлун буюхъайссар.
Вил заманнул къутлбул гъавс ина акъа акъана
Ина ияв лаивкълун халкъуннан кълу къахъунну.
Му къутлбулул даража Заннал лабитайссари
Фанагърал даражалул тасттикъ увайссар къутлбу
Мукунсса инсантуран му хъанай бур къадарну
Жунна дурчлун къашайссар авлиятурал дакълугу.
Хъхьичлугу пардав дуртун лабивтунгу мий буссар,
Щинчлаву кълу къахъунну.

АЬЙШАТ ХИАЖИЕВАЛ
«ЛАКРАЛ ВАЛИТАЛ, ШАЙХТАЛ, АЬЛИМТАЛ»
ТИССА ЛУТТИРАВА

Сунуврал мюнпат

Ибн Аббасул رضي الله عنه увкуну бур: «Сунув – алжаннул ахулсса-ри». Сунув Къуръандалувугу шамуйлла кӀицӀ ларгун дуссар. Сунуврайн аьраб мазрай «румман» учайссар. Сунув ххуйну ххяххайссар Африканаву, Ираннаву, Иракънаву, Афганнаву, Аьрабнал хӀукуматирттай, Испаниянаву, Португалиянаву, Италиянаву ва Франциянаву. Аьрасатнаву сунув ххяххан дувайссар кьиблалул чулийсса республикардай. Сунуврал мурхьйран нигьачӀин дакъассар мурчая, кӀиришивруя, ва дахьрасса дякъия.

Жунма цинявннан кӀулсса «ГьунчӀукьатӀан» тӀисса луттираву увкуну бур: «АхӀулссаннуву яла ххирамур, миннул паччахӀ - сунуври. Му сунувгу, чассаггу, люхӀи тӀутӀигу Адам عليه السلام идавс ляхъан увну, ххи хьусса аьрщараяту ляхъан бувссар тӀийгу бур. Му сунуврал ххирашивугу – гьарца сунувраву Алжаннул кӀуккурда-ятусса ца-ца кӀукку буссар. Му кӀукку лякълувун багьманал лякъа мукъцӀалва гьантлий чанна лархьун дикӀайссар. Муксса хӀаллай мунайн сси

бивзун шьйтӀангу мунаяту архну бикӀайссар. ШьйтӀаннул вас-васругу къабагьайссар муксса хӀаллай. ХӀатта шанна сунув дукарча шинай, муначӀан шьйтӀан гьан къашайссар куну бур. МухӀаммад идавсилгу صلى الله عليه وسلم гьарца нюжмьр хьхьуну ца-ца дукайсса диркӀссар тӀар. Сунув дачӀра ххюттуйн дукавугу хьинссар, дакӀ чанна лахъан дайссар. Мюрщисса оьрчӀан дулурчагу маз чьани лахъхайссар. Му дукайни лув зад дугьавугу хьинссар, кӀукку шьв къабагьан, муни-

вусса Алжаннул кӀуккугу шьв багьну букъавкуна къаличӀан, кӀукку багьарчагу гьаз буну букассар. Щалла цал архӀал,

миннул цӀуму хьин бувайссар». Ибн Синал (Авиценна) чичрурдаву бувсун бур сунув хьиншиву къюкӀли

кун. Сунуврал ккири къакъан буну, ххиттуйн буккан буну букайссар лякъа хьому хьусса цӀумал ва лякълувусса ширтӀри буккан бунаншиврул. НацӀу-къурчӀисса сунуврал дукралух тамахӀ бунтайссар, дукра лялиян даву бигьай шайссар. Сунув хьинссар къакьарттун ва гьутрурдан, хьугу хьин бунан кумаг шайссар. Сунуврал тӀутӀи дукарча, яруннин цӀуцӀавурдая уруччайссар. НацӀумур сунув хьинссар ччаруллал цӀуцӀавурттан, къурчӀимунил ччарулавусса цӀучӀа бассан бувайссар. Мунивусса «танин» тӀисса веществолул микробру литӀун бувайссар.

Сунувраву буссар витамину (А, С, Е, В1, В2, РР), белокру, аьгьушивуртту, мах, калий, кальций, магний, натрий ва цаймигу макро- ва микроэлементру.

ХӀАДУР БУВССАР

ИСА ОЪМАРОВЛУЛ



махьун къариртунгу дукансар, му Алжаннул кӀукку махьун къаличӀаншиврул.

Аьли ибн АбутӀалиблул رضي الله عنه увкуссар: «Сунув дулукияра,

цӀуцӀавурттан, воспалени-ярдан. Сунув ва ницӀ ишла дувайссар шчавурду хьин дуван, ккарччи ягу вичӀи цӀуцӀисса цӀумал, шьра диру-

БУККУЛТРАЛ ТӀАЛАВШИННА

Кьулгьу-Къуръан бувккукун дувайсса дуаьрду

ХӀурмат бусса уссурвал ва ссурвал, зул тӀалавшиннарайн буну, ришлай буру бивкӀулий Кьулгьу-Къуръан бувккуну махь дувайсса вай кӀира дуаь: ца кутӀан дувайсса, вамур сант духьурча лахьину дуван бучӀисса. Зунна кӀулхурча цамур журалий дувайсса дуаьрду, гьан дувара, мигу рищуну кказитрай.

1. АьлхӀамдулиллагь-раббил-аьламин. Аллагьумма салли аьла МухӀаммадин ва аьла али МухӀаммадин ва саллим.

Я, Хьунасса Аллагь, кашилул заллуй, халкъ ляхъан бумма, цӀими бишайма. Ина ва кӀанай бувккусса Кьулгьу-Къуръан, бивхьусса зикри, дурсса дуаь, цуксса гьалатӀну, гьапулну, тажвид дакъа хьуну духьурчагу, инара щаллу дурну, тӀайладацӀан дурну, къамул дува. Къамул даврищал муния хӀасул хьусса чире жу-ятувасса ссаламну, ссайгьатну, хьхьичӀ МухӀаммад Идавсил صلى الله عليه وسلم рухӀирайн биян бува. Мунал нитти-буттал, кулпатрал, оьрчӀал, мукъагу асхӀабтурал рухӀирайн биян бува, я Аллагь.

Адам Идавсия عليه السلام ва ХӀавая байбивхьуну МухӀаммад Идавсийн صلى الله عليه وسلم бияннин, миннал дянив ляхьуну, ливтӀусса 124 азаругу идавстурал рухӀирайн биян бува, Аллагь. Хьирив цинявпагу वालीтурал, гьазийтурал, шайхтурал, анбиятурал, муьминтурал, муьминатътурал, муслимтурал, муслиматътурал, авлиятурал рухӀирдайн биян бува я Аллагь. Миннал хӀурмат-шафааьтрахну ва хӀакьину дуняллия лавгсса пуланнал рухӀирайн биян бува. Мунал ливтӀусса авладрал, агьулданул арулла никирая арулцӀалла никирайн бияннин биян бува, Аллагь.

Дяввийлий, дуснакьрай, аьрххилий, ххулий ливтӀунул рухӀирдайн биян бува, я Аллагь!

Чув ливтӀуну, чув бувчусса бучурчагу, цинявпагу лақрал, Дагь-

устаннал Машрикьрая Магьриблийн бияннин, кьиблалайн лажинну бивхьусса муьминтурал, муьминатътурал рухӀирайн биян бува, Аллагь.

Я, Аллагь, Ина миннал рухӀи къуманий духьурча, гьартаний диша, цӀаннай духьурча чаннай дуккан дува, аьзаврай духьурча ххассал дува.

Ина минналгу, жулгу рухӀру гьаттал аьзабираяту, дужагьрал цӀараяту дуручча, Аллагь!

Я, Хьунасса Аллагь, Ина жун кӀирагу дунял тӀитӀин дува. Дунял неьма-



трай, ахират диндалий гьан дуванмур бува. Ина жул оьрчӀал-душварал бувайсса ташулуву, машлуву дайшишру мадара. Ина миннан хӀакьсса, тӀайласса исламрал ххуллийх бачинсса тавпикь дула. Цуксса хьунисса бунагьирттал гьивурду жул кьинтӀуллук духьурчагу, Ина ми бунагьирттал ялту увчӀун, Та къиямасса кьини жугу МухӀаммад Идавсил صلى الله عليه وسلم умматравух биша. Жунгу миннан кунмасса бувкӀсса цӀумал, жулгу рухӀи бигьаний, ссихӀ кутӀану, шану къавкьун, къакьари гьартану шанма гьантлийсса бува, Аллагь.

Махьва-махьсса ссихӀирачӀагу, «Аш-гьаду Алла-илагьа иллалагьу ва аш-гьаду Анна МухӀаммадан расулулагьи» учинсса къуват бува, Аллагь.

Я, Хьунасса Аллагь, Ина жул кӀулсса, къакӀулсса, аьлттусса, къюлтӀисса балар-

дая, хатӀардая, апатирттая, мусибатирттая буручча. Мурчая, цӀарая, щиная, аьрчи сукку шаврия буручча. Оьсса чувнал мукьуща, загьлуннал зулмулуша, судрая-диванналия буручча. Дявви къахьуннав, дакъаву хьуннав!

ПаччахӀтурал дянив ислахӀшиву дагьаннав, къанатшиву духлаганнав, динислам цӀулаганнав!

Жу жула ливтӀуми буччайсса кунма, миннах Кьулгьу-Къуръан бувайсса кунма, миннал рухӀирдайн бияннав учайсса кунма, жува буччинми, жухва Кьулгьу-

гу ливтӀуцириннал рухӀирдайн бияннав. Ванал рухӀу Алжаннул ххари дуваннав. Утгиния тинмайсса вайннаннинсса бухху-букку ххаришиврийнсса хьуннав.

АьлхӀамдулиллагь-раббил-аьламин. Аллагьумма салли аьла МухӀаммадин ва аьла али МухӀаммадин ва саллим. БихӀурмати сирри суратил-ФатихӀа, куну, буккайссар АлхӀам.

2. АьлхӀамдулиллагь-раббил-аьламин. Аллагьумма салли аьла МухӀаммадин ва аьла али МухӀаммадин ва саллим.

Я Рабби, я ххирасса Аллагь, вай жу бувккусса Къуръандалул сурарду, аятру, Кьулгьу-Къуръан, дурсса дуаьртту хьунмасса Вила цӀимийлину, жуца ливчусса гьалатӀругу тӀайла дацӀан дурну къамул дува. ХьхьичӀва-хьхьичӀ вайннуя хӀасул хьусса чире МухӀаммад Идавсил صلى الله عليه وسلم рухӀирайн биян бува, муная байбивхӀуну Адам идавсил عليه السلام бияннин, миннал дянивсса циняв идавстурайн бува, хьирив мунал асхӀабтурайн, хаснува Абубакр, Оьмар, ХӀусман, Аьлинайн биян бува. Хьиривгу циняв авлиятурал, валитурал рухӀирдайн биян бува. Миннал шафааьтращал, барачатращал ва аьфабувсса пуланнал, ванал буттайхсса ниттийхсса циняв аьфабуминнал рухӀирдайн биян бува. Ялагу шиккун бавтӀусса инсантурал циняв аьфа бувминнал рухӀирдайн бува, цинявпагу динналлул уссурваврал, ссурваврал рухӀирдайнгу бува. Я, ххирасса Аллагь, Ина жуь цӀими биша, ахир хайрданийсса, ахир иманналийсса дула, барачат биша жуьгу, жул жамьтирттайгу, щалагу дуняллийсса мусульманнайгу. Ахиргу хайр, ахиргу иман, леххавугу, таваккалгу так ца вийнини, ххирасса Аллагь.

АьлхӀамдулиллагь-раббил-аьламин. Аллагьумма салли аьла МухӀаммадин ва аьла али МухӀаммадин ва саллим. БихӀурмати сирри суратил-ФатихӀа, куну, буккайссар АлхӀам.

Жавабру дуллуссар Мухаммад-хажу Муршиевул ва Абдуллагу-хажу Мухаммадовул

Цими шинаву байбишин аркинссар оърчру ва душру чак буллай?

Мухаммад Идавсил ﷺ куну бур: «Оърчру чак буван арулла шин хъувкун байбишин буллалли, ацра шин хъувкун чак къабулларча ми чансса цунция къахъунну баттангума бучИссар». Мукума ацра шин хъувкун ми ца шаний жуцалва утту бишин буллангу къабучИссар. Нитти-буттал буржри арулла шин хъуния тинмай оърчан бувчин буллан цалчин шагъадатрал (ашгъаду Алла илагъа илла Ллагъ ва ашгъаду анна Мухаммада-р-расулулагъ) мяна: На барашиву дуллай ура акъашиврий Зал цама ца Аллагъ акъасса, ялагу барашиву дуллай ура мяйжаннугу Мухаммад ﷺ ушиврий Аллагънал ﷻ гъан увсса идавс. Яла мунил хъирив лахъхъин буван аркинссар чаклин иссаву, чак бувайни дуккайсса сурарду, аятру, дуарду. Мукума, нитти-буттал буржри цаймигу Аллагънал ﷻ ккаккан бувсса фарзру биттур буллан, масала, зума дугъаву ва мукума цаймигу. Миннуя аркинссар мудан дакнин бутлан оърчан-душваран, бувчин буллан аркинссар дуван къабучИсса, бунагъравун агъайсса затирдая, цанчирча, ми цимурца жула оърчан чумуй лахъхъин къабуварча, хъуни хъанахъиссаксса захмат шайссар бувчин буван. Микку нину-бутта цивппа багълагъиссар бунагъравун.

Цана дур чйрусса колбасарду «халал» тий чивчуну дахлай, Москвавил, Ставрополлай, Краснодардай ва цаймигу Аьрасатнал заводирттай дурсса. БучИссарив мукумсса колбаса дукан?

Мусульманнал динналуву цичлав дакъар инсаннал оърму захмат буллансса. Мунияту жунма гъассар ми колбасардай халал чивчуну бушиву, ми марцИсса дурвав, ягу миннал ми мусульманнал ласланшиврул мукум чичлай бурвав тий, щак-щук тун жунма къааркинссар. Агар миннал мукум бакъанува ласланшиврул халал тий чичлай бухурча, миннал му бунагърахлу жаваб дулунтИссар, жуйва му бунагъ къахъанахъиссар. Аммарив жунма кълуну бухурча, щак бакъа марцИну халал тий дурсса колбаса диклу, дикл диклу, мукума цайми-цайми дукрардугу, лахайсса янна-усругу: цанчирча, яннагу усругу диклай дунгъузрал бурчуя дурссагу, жунма хъинниха марцИсса, халалсса зат дуркуну, мукумна ишлагу дурну чурххан диклу, шаппаллин диклу. Мунияту жула Дагъусттаннал Муфтиятралгу бувну буссар ми иширттаха къуллагъас дуллаллисса, халалшиврул сертификат дулайсса идара. Мукумсса сертификат дусса дукия диклу, лаххия диклу ишла дуван щак бакъа бучИссар. Шиккува учин мукумсса колбасу итадакълан бивкунни Дагъусттаннал личи-личИсса фирмардугу: Рисалат-холдингтрал, Чиркейский колбасный заводирттал колбасарду дур мукум марцИну халалсса итадакълай.

ХХИРАССА БУККУЛТ!

НАЙ ДУССАР 2016-КУ ШИНАЙССА "АС-САЛАМ" ККАЗИТРАЛ ПОДПИСКА.

ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА МУКУММА ГЪАРЦА РАЙОННАЙССА ЖУЛ ВАКИЛТУРАЙХЧИН.

ККАЗИТ ЧИЧАВРИЛ ВА БИАН БАВРИЛ ХИАКЪИРАВУ

ОБЪЧИН БЮХЪАНТИССАР ВАЙ НОМЕРДАЙН:

8-928-250-36-66, 8-988-264-56-58

БучИссарив инсан ивкълукун мунахлу Къуръан, ягу миккасса сурарду, аятру ккалан?

АлхИамдуллилагъи Раббил аьламин ххирасса Аллагънайн, жува мусульманну ляхъан бувсса, Мухаммад идавсил умматрава бувсса. Жучанна ва дин дирну дур жула имамтурая, аьлимтурая, буттахъая марцИну, даккан къадурну, жула Идавсил ﷺ ккаккан дурсса куцуй. Исламрал динналул душмантурал цуксса хIарачат булларчагу, жула дин зия дуван, даччан дуван, Аллагъу Тааьланал ва дингу, Къуръангу Къиямасса кьини дучаннин ядуванна куну бур. Аллагънал ﷻ кумуний вих акъаманал, цува диндалуву уссарив пикри бувача.

Абу Дауд тий ур Сунанналуву (3/ 191 хадис 3121), Мухаммад-ибн аль-Алянаяту, мукума Мухаммад ибн Макки аль-Марвазиная ми тий бур ﷺ жун бавуна Абдуллагу ибн аль-Мубаракная, ганан Сулайман ат-Тайминая, ганангу Абу Османнуя, ганал буттая, ялагу Макиля ибн Йасараная, ганал увкусса Мухаммад Идавсил ﷺ хIадис: «Зу буккияра сура Ясин ливтуминнаха», - куну. Укумсса хIадисру бур чйвусса, Къуръан буккаврив хас бувсса инсан ивкълукун чумал, шикку вай циняв чичлан къахъунссар. Аьлимтуран кълуссар миннуя, мудан буслайгу буссар. Ялагу тий бур, ивкълусса инсаннахлу хIаж бан аркинссар тий, ганаща буван къавхъуну бивкълурча хIаж буван ччай унува. Минуясса чйри га ивкълусса инсан най буссар. ХIаж баврия чйри най бухурчан, мивун бухлай бурхха Къуръан буккавугу, мунияту буссар чйри най. Муни бувану, жунма бувчлай бур, ивкълусса инсаннахлу Къуръанналул сурардугу, аятругу, алхIамгу, къулгъугу, бюхъарча щалва Къуръан буккавугу хъинсса, чйри бусса аьмал хъанай бур, агар жува бухурча га ивкълусса инсаннал рухIиран хайрсса за буван ччай.

Тгул янналий бур ппал дусса хIайвандалул бурчу. Тгун бавссар, му атил хъурча, нажасран ккали шайссар, му янна лаххан къабучИссар, тий. На ци буван аркинссар, му ци хIайвандалул бурчу буссарив къакълуллихха?!

«ТухIфатул-МухИтаж» тИсса луттираву увкуну бур: «Янналийсса бурчу ва чIарарду (ппал) цумур хIайвандалул дуссарив, сагъсаннуясса ягу бивкълумуниясса дуссарив къакълусса чумал ми чIарарду марцИссаннун ккали дувайссар». Вай мукъурттийн бувану, мукумсса янна лаххан бучИссар.

Тгул нину-тпу мусульмансса инсантал бур, навагу Аллагънайн ﷻ вихсса мусульманчув ура. Ца-цал на аьракъи хIарчИсса ишгу шай, хIачIаврилния цичлав бакъарча, тгун ччива кълухъун хIан хIарчIун чак буван бучИссарив. На чак буварача ца-ца бувкун къабуллай ялагу буллай мукумсса иш бур. На щинчIав оьккимур, заралмур буллай акъара, мунияту чак бувай инсан хъанай, ялагу хIантту хIачIайнияр, вайминнан ккаккиялун куна чIалай тти бувагу къабулланна тий ура.

Чак баву хъанахъиссар Аллагънал ﷻ гъарца духIин дусса муккалаф хъусса (балугъравун увхсса) инсаннал ккаккан бувсса фарзну, буржну. Ва ккаккан бувсса фарз щаллу къабуллаллисса адамина иклу, хъамитайпа биклу бунагъравун багъайссар, Аллагънал хъхъичи мунихлу жавабгу дулланссар. ХIан хIачIаву диклу, цайми инсаннал хIал, духIин даххана дувайсса зару диклу ишла давуту мугу хъанахъиссар бунагъ, мунихлугу чак булларчагу, къабулларчагу жаваб дуллалли уванссар. ХIан хIачIайсса инсаннал чак буллай ухъурча, мунал так ца хIан хъачIаврихлу жаваб дулланссар. Чак баврил барачатрал му инсан пикри буван уванссар, цува щил хъхъичи

уссарив му бунагъ буллай, вичи къадихълай. Мухаммад идавсил ﷺ хIадисраву куну бур «Гантлун ххюва чак буллаллисса инсан му хъанай ур ххюйла щинавун учIлайсса инсанну, му инсаннал чурх щинал марцИ байсса кунма, ххюва чак буллаллисса инсангу Аллагънал ﷻ бунагъирттаяту марцИ уллаллиссар», - куну. Агарда инсан ухъурча ми чакру цила багъайсса куцуй дакнихтуну буллай, Аллагъ Къуръанналий тий ур: «Чак буллаллисса инсан, му чаклил уруччИнтИссар бунагъирттаяту оьккимуниятугу». Аммарив нукува увкусса куцуй, ми чак бавугу, цайми эбадатругу диклан аркинссар марцИну так ца Аллагънал ﷻ цIаний дуллаллисса.

Цана дурккун дур Къуръан буккайсса ружкарду. БучИссарив ми ишла дуллай Къуръан буккин лахъхъиншиврул?

ХIадисраву увкуну бур: «Яла ххуйма – Къуръан буккинугу лавхъхъуну, цайминнангу лахъхъин буваймари». Къуръан буккин лахъхъаву бигъасса иш бакъар, микку кумаг буван бюхъайссар так муаьлимнал. Муаьлимнал бучИн бувайссар тIайлану буккаврив къайда ва

низам. Къуръан буккайсса ружка ишла дуван бучИссар муних вичи дишиншиврул, буккин лахъхъиншиврул ишла дуллан къааркинссар. Микку хъуннасса къулагъас дуван аркинссар, цанчирча, Къуръан бунуттий Аллагънал ﷻ калам – му бйайкъуну буккин ихтияр дакъассар.

Рузнама

Апрель

Кьини	Кълорххил чак	Баргъ буккаву	Ахттайн чак	Ахттакъун чак	МаркIачIан чак	ХъатIан чак
1	03:53	05:31	11:56	15:29	18:17	19:47
2	03:51	05:29	11:55	15:30	18:18	19:48
4	03:47	05:25	11:55	15:31	18:21	19:51
6	03:43	05:22	11:54	15:32	18:23	19:53
8	03:39	05:18	11:53	15:33	18:25	19:55
10	03:35	05:15	11:53	15:34	18:28	19:58
12	03:31	05:12	11:52	15:34	18:30	20:00
14	03:27	05:08	11:52	15:35	18:32	20:02
16	03:23	05:05	11:51	15:36	18:34	20:04
18	03:18	05:02	11:51	15:37	18:37	20:07
20	03:14	04:59	11:51	15:38	18:39	20:09
22	03:10	04:56	11:50	15:39	18:41	20:11
24	03:06	04:52	11:50	15:39	18:44	20:14
26	03:02	04:49	11:49	15:40	18:46	20:16
28	02:58	04:47	11:49	15:41	18:48	20:18
30	02:54	04:44	11:49	15:42	18:51	20:21

ХIурмат лавайсса буккулт! ХъхъичИмур номерданий риршусса март зурул рузнамаллий гьалатI хъуну, чIун ца ссятрал хъхъичИуннайну ккаккан дурну ляркъунни. Ганийсса чIун ца ссятрал махъун дуртун ишла дуван бучИссар.